

正  
編  
一

廣  
香  
賢  
二  
味  
集



正編目錄

張九齡

王灣

王泠然

萬齊融

劉昫

張子容

儲光羲

王維

王縉

裴迪

崔興宗

竝為

孟浩然

王昌齡

陶翰

盧象

高適

崔顥

常建

岑參

李頎

祖詠

萬楚

王之渙

張旭

王諲

賈至

崔國輔

崔曙

李白



杜甫

綦毋潛

薛據

李嶷

閻防

賀蘭進明

丁仙芝

薛維翰

元結

元融

蕭穎士

李華

嚴武

奚賈

張謂

蔣冽

王季友

褚朝陽

殷遙

芮挺章

李收

薛奇章

闕寬

梁銍

張萬頃

豆盧復

黃麟

郭向

楊諫

沈頌

梁德裕

沈千運

于逖

沈如筠

孟雲卿

張彪

趙微明


姚係

王偃

荆叔

吳筠

韋應物



廣唐賢三昧集正編



漁洋先生元本



門人宗室文昭

補錄

張九齡

巫山高

巫山與天近  
煙景長青熒  
此中楚王夢  
得神女  
靈神女去已久  
雲雨空冥  
唯存已  
援嘯哀音不

可聽

和黃門盧監望秦始皇陵

秦帝始求仙驪山何遽卜中年既無効茲地所宜  
復徒役如雷奔珍怪亦雲蓄黔首無寄命赭衣相  
追逐人怨神亦怒身死宗遂覆土崩失天下龍鬪  
入函谷國為項籍屠君同華元戮始掘既由楚終  
焚乃因牧上宰議揚賢中阿感怕速一聞過秦論



載裛空行軸

九月九日登龍山

郡庭常窘束涼野求昭曠楚客凜秋時柏公舊臺  
上清明風日好應落江山望極遠何蕭條中留坐  
惆悵東彌夏首闊西拒荆門壯夷險雖異時古今  
豈殊狀先賢眇不接故老猶可訪投弔傷昔人擲  
斤感前匠自為本踈散未始忘幽尚際會非有欲

往來是無妄為邦復多幸去國殊遷放且汎籬下  
菊還賸郢中唱灌園亦何為於陵乃逃相

登郡城南樓

閉閣幸無事登樓聊永日雲霞千里開洲渚萬形  
出澹、澄江漫飛、度鳥疾邑人半艦艦津鼓多  
楓橘感別時已屢憑眺情非一遠裛不我同孤興  
與誰恚平生本單緒邈后承優秩謬忝為邦寄多

輒理人術駑鉛錐自勉倉廩素非實陳力儻無効  
謝病從芝朮

歲初巡屬縣登高安南樓言懷

山城本孤峻憑高結層軒江氣偏宜早林英繁已  
繁餘滋含宿霽衆妍在朝暎拂衣釋簿領伏檻遺  
紛喧深俯東谿澳遠延南山樊歸雲納前嶺去鳥  
投遙村目盡有餘意心惻不可諉竭來鼓蠡澤載

經敷淺原春及但生息時哉無與言不才叨過舉  
唯力酬明恩美化猶窵蔑迅節徒飛奔雖無成大  
効庶以去思論行復狗狐迹亦云吾道存

登古陽雲臺

庭楹日衰颯風霜未云已駕言遣憂思察典求相  
似楚國茲故都蘭臺有餘址傳聞襄王世仍立巫  
山祀方此全盛時豈無嬋娟子色荒神女至魂蕩

宮觀啓蔓艸今如積朝雲為誰起

晨坐叢中偶而成詠

寒露潔秋空遙山紛在矚孤頂乍脩聳微雲復相  
續人茲賞地偏鳥亦愛林旭結念憑幽遠撫躬曷  
羈束仰霄謝逸翰臨路嗟疲足徂歲方晷携歸心  
亟躑躅休閒儻有素豈負南山曲

雜詩

孤桐亦胡為百尺傍無枝踈陰不自覆脩幹故何  
施高岡地復迴弱植風屢吹凡鳥已相噪鳳凰安  
得知

蘿蒿必有託風霜不能落酷在蘭將蕙甘從葵與  
藿運命雖為宰寒暑自迴薄悠悠天地間委順無  
不樂

良辰不可遇心賞更蹉跎終日塊然坐有時勞者

歌庭前攬芳蕙江上託微波路遠無能達憂情空  
復多

湘水弔靈妃斑竹為情緒漢水訪游女解佩故誰  
與同心不可見異路空延佇浦上青楓林津傍白  
沙渚行吟至落日坐望祗愁予神物亦豈孤佳期  
竟何許

木直幾自冠石堅亦他攻何言為用薄而與火膏

同物類有固然誰能取徑通纖々良田草靡々唯  
逆風日夜沐甘澤春秋等芳藂生性苟不夭香臭  
誰為中道家貴至柔儒生何固窮終始行一意無  
乃過愚公

感遇

蘭葉春葳蕤桂華秋皎潔欣々此生意自爾為佳  
節誰知林棲者聞風坐相悅草木有本心何求美



人折

幽林歸獨卧滯慮洗孤清持此謝高鳥因之傳達  
情日夕裛空意人誰感至精飛沈理自隔何所慰  
吾誠

魚游樂深池鳥棲欲高枝嗟爾羣游羽亮々亦何  
為有生豈不化所感奚若斯神理日微滅吾心安  
得知浩歎揚朱子徒然汰路岐

孤鴻海上來池潢不敢顧側見雙翠鳥巢在三珠  
欐矯，珍木巔得無金丸懼羨服惠人指高明逼  
神惡今我遊冥：弋者何所慕

吳越數千里夢寐今夕見形骸非我親衾枕卽鄉  
縣化螭猶不識川魚安可羨海上有仙山歸期覺  
神變

西日下山隱北風藥夕涿鷺雀感昏旦簷楹呼匹

倚鴻鵠雖自遠哀音非所求貴人棄疵賤下士嘗  
啟憂衆情累外物怒已忘內修感歎長如此使我  
心悠：

江南有丹橘經冬猶綠林豈伊地氣暖自有歲寒  
心可以薦嘉客柰何阻重溟運命惟所遇循環不  
可尋徒言樹桃李此木豈無陰

抱影吟中夜誰聞此歎息美人適異方庭樹會幽

色白雲愁不見滄海飛無翼鳳皇一朝來竹花斯  
可食

漢上有游女求思安可得袖中一札書欲寄雙飛  
翼翼愁不見耿々徒緘憶紫蘭秀空蹊皓露奪  
幽色馨香歲欲晚感嘆情何極白雲在南山日暮  
長太息

我有異鄉憶宛在雲溶々憑此目不覩要之心所

鍾但欲附高鳥安敢攀飛龍至精無感遇悲悅填  
心骨歸來扣寂莫人願天豈從

南陽道中作

登郢屬歲陰及宛惜所適復聞東漢主遺此南都  
迹佳氣藹厥初霸圖紛在昔茲邦稱貴近與世嘗  
薰赫遭遇感風雲變衰空草澤不識鄧公樹猶傳  
陰后石驅馬應闈閣荆榛翳阡陌事去物無象感

來心不憚裏古對窮秋興言傷遠客眇默遵歧路  
辛勤弊行役雲雁號相呼林麕走自索顧憶狗書  
劍未嘗安枕席豈暇墨突黔空持遼豕白迷復期  
非遠歸歟賞農隙

湘中作

湘源繞南嶽絕目轉青：裏祿未能已瞻途屢所  
經烟嶼宜春望林猿莫夜聽永路日多緒孤舟天

復冥浮沒從此去嗟：勞我形

使還都湘東作

倉庚昨歸候陽烏今去時感物遽如此勞生安可  
思養真無上格圖進豈前期清節往來苦壯容離  
別棄盛明非不遇弱操自云私孤楫清川渚征衣  
寒露滋風朝津樹落日夕嶺猿悲牽役而無悔坐  
愁祗自怡當須報恩已終爾謝塵縉

郢城西北有大古塚數十觀其封域多是  
楚時諸王而年代久遠不復可識唯直西  
有樊妃塚因後人為植松柏故行路盡知  
之

蘋藻生南澗蕙蘭秀中林嘉名有所在芳氣無坐  
深楚子初逞志樊妃嘗獻箴能令更擇士非直罷  
從禽舊國皆湮滅先王亦莫尋唯傳賢媛隴猶結



後人心牢落山川意蕭疎  
松柏陰破墻時直上荒  
徑或斜侵惠問終不絕  
風涼獨至今千春思窈窕  
黃鳥復哀音

在郡秋裏

秋風入前林蕭颯鳴高枝  
寂寞遊子思寤歎何人  
知宦成名不立志在歲已馳  
五十而無聞古人深  
所疵平生去外飾直道如不羈  
未得操劄効忽復

寒暑移物情自古然身退毀亦隨悠々滄海渚望  
望白雲涯露下霜且降澤中草離披蘭艾若不分  
安用馨香為

庭蕪生白露歲候感遐心策蹇慙遠途巢枝思故  
林小人恐致冠終日如臨溪魚鳥好自逸池籠安  
所欽挂冠東都門採薇南山岑議道誠愧昔覽分  
還愜今憮然憂成老空爾白頭吟

將發還鄉示諸弟

歲陽亦頽止林意日蕭撤云胡當此時絢邁復為  
客至愛孰能捨名義來相迫負德良不貲輸誠靡  
所惜一木逢厦構纖塵願山益無力主君息寧利  
客卿壁去、榮歸養憮然歎行役

叙衷

弱歲讀羣史抗迹追古人被褐有裘玉佩卽從負

薪志合豈兄弟道行無賤貧孤根亦何賴感激此  
為鄰

晚節從卑秩岐路良非一既聞持兩端復見挾三  
術木瓜誠有報玉楮論無實已笑直躬者平生壯  
圖失去：勿重陳歸來茹芝朮

和王司馬折梅寄京邑昆弟

離別念同嬉芬榮欲共持獨攀南國樹遙寄北風

時林惜迎春早花愁去日遲還聞折梅處更有棣  
華詩

詠燕

海燕何微眇  
察春亦整來  
豈知泥滓賤  
祇見玉堂  
開繡戶時雙入  
華軒日幾迴  
無心與物競  
鷹隼莫  
相猜


洪州西山祈雨是日輒應因賦詩言事

茲山蘊靈異走望良有歸丘禱雖已久  
心難重  
違遲明申藻薦先夕旅巖扉獨宿雲峰下  
蕭條人  
吏稀我來不外適幽抱自中微靜入風泉奏涼生  
松栝圍窮年滯遠想寸晷閱清暉虛羨悵無屬素  
情緘所依詭隨嫌弱操羈束謙貞肥義濟亦吾道  
誠存為物祈靈心倏已慮甘液幸而飛閉閣且無  
責隨車安敢吝多慙德不感知復是耶非

自君之出笑

自君之出笑不復理殘機思君如滿月夜：減清

輝





王灣

次北固山下

客路青山外，行舟綠水前。  
潮平兩岸闊，風正一帆懸。  
海日生殘夜，江春入舊年。  
鄉書何處達，歸雁洛陽邊。

觀搗箏

虛室有秦箏，新月復清絃。  
多弄委曲柱，促語分

明曉怨凝繁手春嬌入曼聲  
近來唯此樂傳得美  
人情

王冷然

題河邊枯柳

隋家天子憶揚州，獸坐深宮傍海遊。  
穿地鑿山開御路，鳴笳疊鼓汎春流。  
從鞏北分河口，直到淮南種官柳。  
功成力盡人旋已，代謝年移蘇空有。  
當時綵女侍君王，帳殿旌門對柳行。  
青葉交垂連幔色，白花飛散染衣香。  
今日摧殘何用道，數里曾無

一株好驛騎江帆損愛多山精野魅藏應老涼秋  
九月露為霜日夜孤舟入帝鄉河畔時時聞落葉  
客中無箇不沾裳

萬齊融

贈別江

東南飛鳥處言是故鄉  
天江上風花晚君行定幾  
千計程頻破月數別  
屢開年明歲潯陽水相思寄

采蓮

年五

平情歸附如小... 限平... 延... 入... 歸... 志...

東... 亦... 且... 言... 甚... 如... 何... 又... 以... 工... 且... 亦... 如... 其... 意...

御... 以... 以...

皇... 帝... 始...

劉脊虛

江南曲

美人何蕩漾湖上風日長玉手欲有贈徘徊雙明  
璫歌聲隨綠水怨色起青陽日暮還家望雲波橫  
洞房

暮秋揚子江寄孟浩然

木葉紛、下東南日煙霜林山相晚暮天海空青

蒼暝色况復久秋聲亦何長孤舟兼微月獨夜仍  
越鄉寒笛對京口故人在襄陽詠思勞今夕江漢  
遙相望

潯陽陶氏別業

陶家習先隱種柳長江邊朝夕潯陽郭白衣來幾  
年霽雲明孤嶺秋水澄寒天物象自清曠野情何  
餘聯蕭蕭丘中賞明宰非徒然願守黍稷稅歸耕



東山田

登廬山峯頂寺

孤峯臨萬象秋氣何高  
清天際南郡出林端  
西江明山門二緇叟  
振錫聞幽聲心照有  
無界業懸前後生  
雖知真機靜尚與  
愛網并方首金門  
路未暹參道情

尋東谿還湖中作

出山更回首日暮清谿深東嶺新別處數猿叫空  
林管遊有初迹此路還獨尋幽興方在往歸裏復  
為今雲峰勞前意湖水成遠心望之已超越坐鳴  
舟中琴

寄闔防

防時在終南  
豐德寺讀書

青冥南山口君與緇錫鄰  
溪路入古寺亂花隨暮  
春紛々對寂寞往々落衣巾  
松色空照水經散時

有人晚心復南望山遠情獨親應以修往業亦惟  
立此身深林度空夜烟月資清真莫歎文明日彌  
年徒隱淪

送東林廬上人還廬山

石谿涿已亂苔迳入漸微日暮東林下山僧還獨  
歸常為爐峯意况與遠公違道性深寂莫世情多  
是非會尋名山去豈復無清機

闕題

道由白雲盡春與青谿長時有落花至遠隨涿水  
香閑門向山路深柳讀書堂幽映每白日清輝照  
衣裳

寄江湓求孟六遺文

南望襄陽路思君情轉親偏知漢水廣鹿與孟家  
鄰在日貧為善昨來聞更貧相如有遺草一為問

家人



張子容

春江花月夜

林花發岸口氣色動江新  
此夜江中月涼光花上  
春分明石潭裏宜照浣紗人

永嘉作

拙宦從江左投荒更海邊  
山將孤嶼近水共惡谿  
連地濕梅多雨潭蒸竹起烟  
未應悲晚髮炎瘴苦

華年

送孟浩然歸襄陽

東越相逢地  
西亭送別津  
風濤看解纜  
雲海去愁人  
鄉在桃林岸  
山連楓嶽春  
因襄故園意  
歸與孟

家鄰



儲光羲

牧童詞

不言牧田遠不道牧陂深所念牛馴擾不亂牧童  
心圓笠覆我首長策披我襟方將憂暑雨亦以懼  
寒陰大牛隱層坂小牛穿近林同類相鼓舞觸物  
成謳吟取樂須臾間寧問教與音

采蓮詞

淺渚荇花繁，深潭菱葉疎。獨往方自得，恥邀淇上  
姝。廣江無術阡，大澤絕方隅。浪中海童語，流下鮫  
人居。春荻時隱舟，新萍復滿湖。采藥日養不，思  
賢與愚。

射雉詞

曝暄理新翳，迎春射鳴雉。原田遙一色，隼陸曠千  
里。遙聞呶喔聲，時見雙飛起。暮罷疎蒿下，羸羸深

步裏顧敵乃忘生爭雄方決死仁心貴勇義豈復  
能傷此超遠下故墟迢遶回高時大夫管何苦取  
笑歡妻子

效古

晨登涼風臺暮走邯鄲道曜靈何赫烈四野無青  
草火軍北集燕天子西居鎬婦人役州縣丁男事  
征討老幼相別離哭泣無昏早稼穡既殄絕川澤

復枯槁曠哉遠此憂冥：商山皓

田家即事

蒲葉日已長  
荇花日已滋  
老農要省此  
貴不違天  
時迎晨起飯  
牛雙駕耕東  
菑蚯蚓土中  
出田鳥隨  
我飛群合亂  
啄噪嗽：如道  
饑我心多惻  
隱顧此  
兩傷悲撥食  
與田鳥日暮  
空筐歸親戚  
更相謂我  
心終不移

雜詩

秋氣肅天地太行高崔嵬  
援狄清夜吟其韻一何  
哀寂寥掩圭華夢寐遊蓬萊  
琪樹遠亭：玉堂雲  
中開洪崖吹簫管玉女飄飄來  
雨師既先後道路  
無纖埃鄙哉楚襄王獨如雲陽臺

泛茅山東谿

清晨登仙峯：遠行未極江海霽  
初景州木舍新

色而我任天和此時聊動息望鄉白雪裏  
蕨棹清溪側松柏生深山無心自貞直

游茅山

平生非作者望古裛清芬  
心以道為除行將時不羣  
茲山在人境靈既久傳聞遠  
勢一峯出近形千嶂分  
冬春有茂州朝暮多鮮雲  
此去亦何極但言

西日曛

管賢居柱下今我去人間良以直心暗兼之外視  
閑重綸非釣國好學異希顏落日登高嶼悠然望  
遠山溪流碧水去雲帶清陰還想見中林士巖扉  
長不關

名嶽徵仙事清都訪道書山門入松柏天路涵空  
虛南極見朝采西潭聞夜漁遠心尚雲宿浪跡出  
林居為己存實際忘形同化初此行良已笑不樂

復何如

夜到洛口入黃河

河洲多青州朝暮增客愁  
客愁惜朝暮枉渚暫停  
舟中宵大川靜解纜逐歸  
渌浦淑旣清曠沿河非  
阻脩登艫望落月擊楫悲  
新秋倘遇棄棹客永言  
星漢遊

泊舟貽潘少府

時潘在後浦



行子苦風潮維舟未能發宵分卷前幔卧視清秋  
月四澤葭葦深中洲烟火絕蒼々水霧起落々踈  
星沒所遇盡漁商與言多楚越其如念極浦又以  
思明哲常若千里餘况々異鄉別

終南幽居獻蘇侍郎

時琴太  
祝未工

中歲尚微道始知將谷神抗策還南山水木自相  
親深林開一道青嶂成四鄰平明去采薇日入行

刈薪雪歸萬壑暗  
靈罷千巖春始看  
玄鳥來已見  
瑤華詆寄言  
騫芳者無乃後時人

酬綦母校書夢邪溪見贈之作

校文在仙掖  
每有滄洲心  
况以北窗下  
夢遊清溪  
陰春看湖水  
漫夜入迴塘  
深往、纜垂葛  
出丹壙  
前林山人松  
下餘釣客  
蘆中吟小隱  
何足貴  
長年  
固可尋  
還車首東道  
惠言若黃金  
以我采薇意  
傳

之天姥峯

登戲馬臺作

君不見宋公杖鉞誅燕後英雄踴躍爭趨走小會  
衣冠呂梁壑大徵甲卒礪礪口天開神武樹元勳  
九日茱萸饗六軍泛泛樓船遊極浦搖搖歌吹動  
浮雲居人滿目市朝變霸業猶存齊楚甸泗水南  
浮桐柏川沂山北走瑯琊縣滄海沈沈晨霧開鼓

城烈：秋風來少年自言未得意日暮蕭條登古  
臺

霽後貽馬十二巽

高天風雨散清氣在園林况我夜初靜當軒鳴綠  
琴雲開北堂月底滿南山陰不見長裾者空歌遊  
子吟

題札上人房

禪宮分兩地釋子一為心入道無來去清言見古  
今江寒池水綠山暝竹園深別有中天月遙、散  
夕陰

題陸山人樓

暮散雜初雁夜色涵早秋獨見海中月照君池上  
樓山雲拂高棟天漠入雲涼不惜朝光滿具如千  
里遊

寒夜江口泊舟

寒潮信未起出浦纜孤舟一夜苦風浪自然增旅  
愁吳山遲海月楚火照江流欲有知音者異鄉誰  
可求

尋徐山人遇馬舍人

泊舟伊川右正見野人歸日暮春山綠我心清且  
微巖散風雨度水氣雲霞飛復有金門客來叅蘿

薜衣

洛陽道

大道直如髮春日佳氣多  
五陵貴公子雙鳴玉

珂

江南曲

日暮長江裏相邀歸渡頭  
落花如有意來去逐船

涼

明妃曲

日暮驚沙亂雪飛  
傍人相勸易羅衣  
強來前殿看  
歌舞共待單于夜  
狼歸

寄孫山人

新林二月孤舟還  
水滿清江花滿山  
借問故園隱  
君子時、來往向人間



王維

贈劉藍田

籬間犬迎吠出屋猴荆扉歲晏輸井稅山村人夜  
歸晚田始家食餘布成我衣詎肯無公事煩君問  
是非

贈祖三詠

蟪蛄挂虛牖蟋蟀鳴前除歲晏涼風至君子復何

如高館闌無人離居不可道閑門寂已閉落日照  
秋草雖有近音信千里阻河關中復客汝潁去年  
歸舊山結交二十載不得一日展貧病子既深契  
闊余不淺仲秋雖未歸暮秋以為期良會詎幾日  
終日長相思

戲贈張五弟諲

吾弟東山時心尚一何遠日高猶自卧鐘動始能

飭頷上髮未梳牀頭書不卷清川興悠々空林對  
偃蹇青苔石上淨細草松下軟牕外鳥聲閑階前  
虎心善徒然萬象多澹爾太虛緬一知與物平自  
顧為人淺對君忽自得浮念不煩遣

奉寄韋太守陟

荒城自蕭索万里山河空天高秋日迴嘹唳聞歸  
鴻寒塘映衰草高館落踈桐臨此歲方晏顧景詠

悲翁故人不可見  
寂寞平陵東

和使君五郎西樓望遠思歸

高樓望所思  
目極情未畢  
枕上見千里  
窗中窺萬室  
悠々長路人  
曖々遠郊日  
惆悵極浦外  
迢遞孤烟出  
能賦屬工才  
思歸同下秩  
故鄉不可見  
雲水

空如一

送魏郡李太守赴任

與君伯氏別又欲與君離君行無幾日當復隔山  
陂蒼茫秦川盡日落桃林塞獨樹臨關門黃河向  
天外前經洛陽陌宛洛故人稀故人離別盡淇上  
轉驂駢企予悲送遠惆悵睢陽路古木官渡平秋  
城鄴宮故想君行縣日具出從如雲遙思魏公子  
復憶李將軍

送宇文太守赴宣城

寥落雲外山  
逍遙舟中賞  
鏡吹蕤西江  
秋空多清響  
地迴古城蕪  
月明寒潮廣  
村暮敬亭神  
復解罟師網  
何處寄相思  
南風吹五兩

送別

下馬飲君酒  
問君何所之  
君言不得意  
歸卧南山陲  
但去莫復問  
白雲無盡時

濟州送祖三

相逢方一笑相送還成泣祖帳已傷離荒城復愁  
入天寒遠山淨日暮長河急解纜君已遙望君猶  
佇立

送秦母潛落第還鄉

聖代無隱者英靈盡來歸遂令東山客不得顧采  
薇既至君門遠孰云吾道非江淮度寒食京洛縫  
春衣置酒臨長道同心與我違行當逢桂棹未幾

拂荆扉遠樹帶行客孤城當落暉吾謀適不用勿  
謂知音稀

別弟縉後登青龍寺望藍田山

陌上新別離蒼茫四郊晦登高不見君故山復雲  
外遠鬱蔽行人長天隱秋塞心悲宦遊子何處飛  
征蓋

藍田山石門精舍



落日山水好漾舟信歸風探奇不覺遠因以緣源  
窮遙愛雲木秀初疑路不通安知清流轉偶與前  
山通捨舟理輕策果然愜所適老僧四五人逍遙  
蔭松柏朝梵林未曙夜禪山更寂道心及牧童世  
事問樵客暝宿長林下焚香卧瑤席澗芳襲人衣  
山月映石壁再尋畏迷誤明發更登厯笑謝桃源  
人花紅復來覲

青谿

言入黃花川每逐青谿水隨山將萬轉趣途無百  
里聲喧亂石中色靜深松裏澆泚菱苻澄映  
葭葦我心素已閑清川澹如此請留盤石上垂釣  
將已矣

崔漢陽兄季重前山興

山西去亦  
對維門

秋色有佳興况君池上閑悠々西林下自識門前

山千里橫黛色數峯出雲間嵯峨對秦國合沓藏  
荆關殘雨斜日照夕嵐飛鳥還故人今尚爾歎息  
此顏顏

丁寓田家有贈

君心尚棲隱久欲傍歸路在朝每爲言解印果成  
趣晨雞鳴鄰里羣動從所務農夫行餉田閨妾起  
縫素開軒御衣服散帙理章句時吟招隱詩或製

閑居賦新晴望郊郭日映桑榆鼻陰盡小苑城微  
明渭川樹揆予宅間井幽賞何由屢道存終不忘  
迹異難相遇此寸惜離別再來芳菲度

渭川田家

斜陽照墟落窮巷牛羊歸野老念牧童倚杖候荆  
扉雉鳴麥苗秀蠶眠桑葉稀田夫荷鋤至相見語  
依依即此羨閑逸悵然吟式微

春中田園作

屋上春鳩鳴村邊杏花白  
持斧伐遠楊荷鋤覘泉  
脈歸燕識故巢舊人看  
新曆臨觴忽不御惆悵遠  
行客

過李楫宅

閑門秋草色終日無車馬  
客來深巷中犬吠寒林  
下散髮時未簪道書行尚  
把與我同心人樂道安

貧者一罷宜城酌還歸洛陽社

宿鄭州

朝與周人辭鼻投鄭人宿他鄉絕儔侶孤客親僮  
僕宛洛望不見秋霖晦平陸田父州際歸邛童雨  
中牧主人東臯上時稼遶茆屋蟲思機杼悲雀喧  
禾黍熟明當渡京水昨晚猶金谷此去欲何言窮  
邊狗微祿

西施詠

豔色天下重西施寧久徽朝為越谿女暮作吳宮  
妃賤日豈殊衆貴來方悟稀邀人傅香粉不自著  
羅衣君寵益嬌態君憐無是非當時浣紗伴莫得  
同車歸持譏鄰家子效顰安可希

成文學

寶劍千金裝登君白玉堂身為平原客家有邯鄲

娼使氣公卿座論心游俠場中年不得意  
謝病客  
遊梁

夷門歌

七雄之雌猶未分攻城殺將何紛々秦兵益圍却  
鄆急魏王不救平原君公子為嬴停駟馬執轡愈  
恭意愈下亥為屠肆鼓刀人嬴乃夷門抱關者非  
但慷慨獻奇謀意氣兼將身命酬向風刎頸送公



子七十老翁何所求

隴頭吟

長城少年游俠客  
夜上戍樓看太白  
隴頭明月迴  
臨關隴上行人夜  
吹笛關西老將不勝愁  
駐馬聽之  
雙淚涼身經大小  
百餘戰  
麾下偏裨萬戶侯  
蘇武纔為典屬國  
節旄空盡海西頭

老将行

少年十五二十時步行奪取胡馬騎射教陰山白  
額虎背數鄴下黃鬚兒一身轉戰三千里一劒曾  
當百萬師漢兵奮迅如霹靂虜騎崩騰畏蒺藜衛  
青不敗由天幸李廣無功緣數竒自從棄置便衰  
朽世事蹉跎成白首管時飛雀無全目今日垂楊  
生左肘路傍時賣故侯瓜門前學種先生楨蒼茫  
古木連窮巷寥落寒山對虛牖誓令疏勒出飛泉

不似潁川空使酒賀蘭山下陣如雲羽檄交馳日  
夕聞節使三河募年少詔書五道出將軍試拂鐵  
衣如雪色聊持寶劍動星文願得燕弓射天將恥  
令越甲鳴吾君莫嫌鷹日雲中守猶堪一戰立功  
勲

桃源行

漁舟逐水愛山春兩岸桃花夾去津坐看紅豔不

知遠行盡青谿不見人山口潛行始隈隩山開曠  
望旋平陸遙看一處攢雲樹近入千家散花竹樵  
客初傳漢姓名居人未改秦衣服居人共住武陵  
源還從物外起田園月明松下房櫳靜日出雲中  
雞犬喧驚聞俗客爭來集競引還家門都邑平明  
問巷婦花開薄暮漁樵聚水入初因避地去人間  
及至成仙遂不還峽裏誰知有人事世中遙望空

雲山不疑靈境難聞見  
塵心未盡思鄉縣  
出洞無  
論隔山水辭家終擬長  
游衍自謂經過舊不迷  
安  
知峰壑今來變  
當時只記入山深  
青谿幾曲到雲  
林  
春來遍是桃花水  
不辨仙源何處尋

同崔傳答賢弟

洛陽才子姑蘇客  
桂苑殊非故鄉陌  
九江楓樹幾  
回青  
一片揚州五湖白  
揚州時有下江兵  
蘭陵鎮

前吹簫散夜火人歸富春郭秋風鶴唳石頭城周  
卽陸弟為儔侶對舞前谿歌白紵曲几書留小史  
家草堂基賭山陰豎衣冠若話外臺臣先數夫君  
席上珍更聞臺閣求三語遙想風流第一人

故人張諲工詩善易卜兼能丹青草隸頃  
以詩見贈聊獲酬之

不逐城東遊俠兒  
隱囊紗帽坐彈碁  
蜀中夫子時

開卦洛下書生解詠詩  
藥欄花逕衡門裏時復據  
梧聊隱几屏風誤點惑孫郎  
團扇草書輕內史故  
圍高枕度三春永日垂帷絕  
四鄰自惜蔡邕今已  
老更將書籍與何人

送崔五太守

長安廐吏來到門  
朱文露網動行軒  
黃花縣西九折坂  
玉樹宮南五丈原  
褻斜谷中不容幟  
唯有白

雲當露冕子午山裏杜鵑啼嘉陵水頭行客餘  
門忽斷蜀川開萬井雙涿滿眼來霧中遠樹刀州  
出天際澄江巴字迴使君年紀三十餘少年白  
專城居欲持畫省郎官筆迴與臨邛父老書

魚山神女祠歌

迎神曲

吹：繫鼓魚山之下吹洞簫望極浦女巫進紛屢



舞陳瑤席湛清醕風淒淒兮夜雨神之來兮不來  
使我心兮苦復苦

送神曲

紛進琴兮堂前目眷眷兮瓊筵來不語兮意不傳  
作暮雨兮愁空山悲急管思繁絃靈之駕兮儼故  
旋倏雲收兮雨歇山青兮水潺湲

輞川閑居贈裴秀才迪

寒山轉蒼翠，秋水日潺湲。  
倚杖柴門外，臨風聽暮蟬。  
渡頭餘落日，墟里上孤烟。  
復植接輿醉，狂歌五柳前。

寄荊州張丞相

所思竟何在，悵望深荆門。  
舉世無相識，終身思舊恩。  
方將與農圃，藝植老丘園。  
目盡南無雁，何由寄

一言

冬晚對雪憶胡居士家

寒更傳曉箭清鏡覽衰顏  
隔牖風驚竹開門雪滿  
山灑空深巷靜積素廣庭閑  
借問袁安舍脩然尚  
閉關

酬虞部蘇員外過藍田別業不見留之作  
貧居依谷口高木帶荒邨  
石路枉迴駕山家誰候  
門漁舟膠凍浦獵火燒寒原  
唯有白雲外疎鐘聞

夜猿

酬張少府

晚年唯好靜萬事不關心  
自顧無長策空知返舊  
林松風吹解帶山月照彈琴  
君問窮通理漁歌入  
浦溪

送丘為落第歸江東

憐君不得意况復柳條春  
為客黃金盡還家白髮

新五湖三畝宅萬里一歸人知禰不能薦羞稱獻  
納臣

送李判官赴江東

聞道皇華使方隨皂蓋臣封章通左語冠冕化  
又身樹色分揚子潮聲滿富春遙知辨壁吏恩到  
泣珠人

送岐州源長史歸

握手一相送，心悲安可論。  
秋風正蕭索，客散孟嘗門。  
故驛通槐里，長亭下檣原。  
征西舊旌節，從此向河源。

同崔典宗送衡嶽瑗公南歸

言從石菌閣，新下穆陵關。  
獨向池陽去，白雲留故山。  
綻衣秋日裏，洗鉢古松間。  
一施傳心法，唯將弁

定還

送立為往唐州

宛洛有風塵君行多苦辛  
四愁連漢水百口寄隨  
人槐色陰清晝楊花惹暮春  
朝端肯相送天子綉  
衣臣

送元中丞轉運江淮

薄稅歸天府輕徭賴使臣  
歡霑賜帛老恩及卷綃  
人去問珠官俗來經石蛙  
春東南卸亭上莫使有

風塵

送崔九興宗遊蜀

送君從此去轉覺故人稀  
徒御猶迴首田園方掩扉  
出門當旅食中路授寒衣  
江漢風涼地遊人何歲歸

送平澹然判官

不識陽關路新定遠侯黃雲斷  
春色画角起邊



愁瀚海經年別交河出塞涼須令外國使知飲月  
氏頭

送劉司直赴安西

絕域陽關道胡沙與塞塵三春時有雁萬里少行人  
首霜隨天馬葡萄逐漢臣當令外國懼不敢覓  
和親

送方城韋明府

遙思葭莩際寥落楚人行高鳥長淮水平蕪故郢  
城使車聽雉乳縣鼓應鷄鳴若見州從事無嫌手  
板迎

送梓州李使君

萬壑樹參天千山響杜鵑山中一夜雨蘄杪百重  
泉漢女輸糧布巴人訟芋田文翁翻教授不敢倚  
先賢

送張五諲歸宣城

五湖千萬里，況復五湖西。  
漁浦南陵郭，人家春穀  
谿。欲歸江淼々，未到艸萋々。  
憶想蘭陵鎮，可宜猿  
夜啼。

送人南歸

萬里春應盡，三江雁亦稀。  
連天漢水廣，孤客郢城  
歸。鄖國稻苗秀，楚人菰米肥。  
懸知倚門望，遙識老

萊衣

送賀遂員外甥

南國有歸舟，荆門泝上流。  
蒼茫葭葦外，雲水與昭  
丘。檣帶城烏去，江連  
莫雨愁。猿聲不可聽，  
莫待楚山秋。

送楊長史赴果州

褒斜不容幘，之子去何之。  
鳥道一千里，猿聲十二

時官槁祭酒客山木女郎祠別後同明月君應聽  
子規

送邢桂州

鏡吹喧京口風波下洞庭  
赭圻將赤岸擊汰復揚  
舲日落江湖白潮來天地青  
明珠歸合浦應逐使  
臣星

送孟六歸襄陽

杜門不復出久與世情疎以此為長策勸君歸舊  
廬醉歌田舍酒笑讀古人書好是一生事無勞獻  
子虛

初出濟州別城中故人

微官易得罪謫去濟川陰執政方持法明君無此  
心問闔河潤上井邑海雲深縱有歸來日各愁年

鬢侵

登裴秀才迪小臺

端居不出戶滿目望雲山  
落日鳥邊下秋原人外  
閑遙知遠林際不見此  
簷間好客多察月應門  
莫上關

過香積寺

不知香積寺數里入雲峰  
古木無人徑深山何處  
鐘泉聲咽危石日色冷青  
松薄暮空潭曲安禪制

毒龍

過感化寺臺與上人山院

暮持筇竹杖相待虎谿頭  
催客聞山響歸房逐水  
涼野花叢發好谷鳥一聲  
幽夜坐空林寂松風直  
似秋

登辨覺寺

竹迳從初地蓮峰出化城  
窻中三楚盡林上九江



平軟草藥跌坐長松響梵聲空居法雲外觀世得  
無生

喜祖三至留宿

門前洛陽客下馬拂衽衣不枉故人駕平生多掩  
扉行人返深巷積雪帶餘暉早歲同袍者高車何  
處歸

山居秋暝

空山新雨後天氣晚來秋  
明月松間照清泉石上  
涼竹喧歸浣女蓮動下漁舟  
隨意春芳歇王孫自  
可留

終南別業

中歲頗好道晚家南山陰  
興來每獨往勝事空自  
知行到水窮處坐看雲起時  
偶然值林叟談笑無

還期

歸嵩山作

清川帶長薄，車馬去閑閑。  
涑水如有意，暮禽相與還。  
荒城臨古渡，落日滿秋山。  
迢遞嵩高下，歸來且閉關。

歸剡川作

谷口疎鐘動，漁樵稍欲稀。  
悠然遠山暮，獨向白雲歸。  
菱蔓弱難定，楊花輕易飛。  
東臯春艸色，惆悵掩

柴扉

終南山

太乙近天都連山到海隅  
白雲迴望合青霤入看  
無分野中峰變陰晴衆壑  
殊欲投人處宿隔水問  
樵夫

觀獵

風勁角弓鳴將軍獵渭城  
草枯鷹眼疾雪盡馬蹄

輕忽過新豐市還歸細柳營迴看射鵰處千里暮  
雲平

漢江臨汎

楚塞三湘接荆門九派通江流天地外山色有無  
中郡邑浮前浦波瀾動遠空襄陽好風日留醉興

山公

登河北城樓作

井邑傳巖上客亭雲霧間高城眺落日極浦映蒼  
山岸火孤舟宿漁家夕鳥還寂寥天地暮心與廣  
川閑

使至塞上

單車欲問邊屬國過居延征蓬出漢塞歸雁入胡  
天大漠孤烟直長河落日圓蕭關逢候吏都護在

燕然

晚春閨思

新妝可憐色落日卷羅帷  
鑪氣清珍簾墻陰上玉  
墀春蟲飛網戶暮雀隱花枝  
向晚多愁思閑牕梳

李時

秋夜獨坐

獨坐悲雙鬢空堂欲二更  
雨中山果落燈下草蟲  
鳴白髮終難變黃金不可成  
欲知除老病唯有學

無生

奉和聖製從蓬萊向興慶閣道中留春雨  
中春望之作應制

渭水自縈秦塞曲黃山舊遶漢宮斜  
鑾輿迴出仙門柳閣道迴看  
上苑花雲裏帝城雙鳳闕  
雨中春樹萬人家  
為藥陽氣行時令不是宸遊翫物華

敕賜百官櫻桃



芙蓉闕下會千官  
紫禁朱櫻出上闌  
纔是寢園春  
薦後非關御苑鳥  
銜殘蹄鞍競帶青絲籠  
中使頻  
傾赤玉盤飽食不須愁  
內熱大官還有蔗漿寒

敕借岐王九成宮避暑應教

帝子遠辭丹鳳闕  
天書遙借翠微宮  
隔窻雲霧生  
衣工卷幔山泉入  
鏡中林下水聲喧  
語笑巖間樹  
色隱房櫳  
仙家未必能勝此  
何事吹笙向碧空

和太常韋主簿五郎温湯寓目之作

漢主離宮接露臺秦川一半夕陽開青山盡是朱  
旗繞碧澗翻從玉殿來新豐樹裏行人度小苑城  
邊獵騎迴聞道甘泉能獻賦懸知獨有子雲才

酬郭給事

洞門高閣霽餘輝桃李陰、柳絮飛禁裏踈鐘官  
舍晚省中啼鳥吏人稀晨搖玉珮趨金殿夕奉天

書琴瑣闌強欲從君無那老將因卧病解朝衣

出塞作

居延城外獵天驕白草連山野火燒暮雲空磧時  
驅馬秋日平原好射鷓護羌校尉朝乘障破虜將  
軍夜渡遼玉靶角弓珠勒馬漢家將賜霍嫖姚

送楊少府貶郴州

明到衡山與洞庭若爲秋月聽猿聲愁看北渚三

湘遠惡說南風五兩輕  
青阜瘴時過夏口白頭浪  
裏出湓城長沙不久留  
才子賈誼何須弔屈平

過藥如禪師蕭居士嵩丘蘭若

無着天親弟與兄  
嵩丘蘭若一峰晴  
食隨鳴磬巢  
鳥下行踏空林  
落葉敲送水  
定侵香案濕  
雨花應  
共石林平深洞長  
松何所有儼然天竺古先生

春日與裴迪過新昌里訪呂逸人不遇

桃源一向絕風塵  
柳市南頭訪隱淪  
到門不敢題  
凡鳥看竹何須問  
主人城上青山如屋裏  
東家涼水入西鄰  
閉戶著書多歲月  
種松皆老作龍鱗

酌酒與裴迪

酌酒與君、自寬人情  
翻覆似波瀾  
白首相知猶  
按劍朱門先達  
笑彈冠  
草色全經細雨  
出花枝  
欲動春風寒  
世事浮雲何足問  
不如高卧且加餐

積雨輞川莊作

積雨空林烟火遲  
蒸藜炊黍餉東菑  
漠漠水田飛白鷺  
陰陰夏木轉黃鸝  
山中習靜觀朝槿  
松下清齋折露葵  
野老與人爭席罷  
海鷗何事更相疑

送秘書晁監還日本

積水不可極  
安知滄海東  
九州何處所  
万里若乘空  
向國唯看日  
歸帆但信風  
鰲身映天黑  
魚眼射

波紅鄉樹扶桑外  
主人孤島中  
別離方異域  
音信若為通

送李太守赴上洛

商山包楚鄧  
積翠靄沈沈  
驛路飛泉灑  
關門落照深  
淡野花開古  
戍行客響空林  
板屋春多雨  
山城晝易陰  
丹泉通虢略  
白羽抵荆岑  
若見西山麋  
鹿知

黃綺心

晚行巴峽

際晚投巴峽餘春憶帝京  
晴江一女浣朝日衆禽  
鳴水國舟中市山橋樹杪行  
登高萬井出眇迴二  
流明人作殊方語  
鶯為故國聲  
賴多山水趣  
稍解  
別離情

息夫人

莫以今時寵能忘  
舊日恩  
看花滿眼淚不共  
楚王



言

班婕妤

宮殿生秋艸君王恩幸踈  
那堪聞鳳吹門外度金

輿

怪來妝閣閉朝下不相迎  
總向春園裏花間笑語

聲

輞川集

孟城坳

新家孟城口古木餘衰柳  
來者復為誰空悲昔人有

華子岡

飛鳥去不窮連山復秋色  
上下華子岡惆悵情何極

斤竹嶺

檀欒映空曲青翠  
澆漣漪暗入商山路  
樵人不可知

鹿柴

空山不見人  
但聞人語響  
返景入深林  
復照青苔上

木蘭柴

秋山歛餘照  
飛鳥逐前侶  
彩翠時分明  
夕嵐無處

所

文杏館

文杏裁為梁香茆結為宇不知棟裏雲去作人間  
雨

宮槐陌

仄迳蔭宮槐幽陰多綠苔  
唐門但迎婦畏有山僧  
來

南垞

輕舟南垞去北垞  
淼難即隔浦望人家  
遙不相

識

敬湖

吹簫凌極浦日暮送夫君  
湖上一回首青山卷白

雲

樂家瀨

颯、秋雨中淺、石溜瀉跳波自相濺白鷺驚復

下

白石灘

清淺白石灘綠蒲向堪把家住水東西浣紗明月

下

北垞

北垞湖水北雜蘆映朱欄逶迤南川水明滅青林

端

竹里館

獨坐幽篁裏  
彈琴復長嘯  
深林人不知  
明月來相照

辛夷塢

木末芙蓉花  
山中發紅萼  
澗戶寂無人  
終日開且落

添園

樹  
古人非傲吏自關經世務  
偶寄一微官  
婆婆數株

皇甫嶽雲谿雜題

鳥鳴磻

人閑桂花落夜靜春山空  
月出驚山鳥時鳴春澗

中



鷓鴣堰

乍向紅蓮沒復出青蒲颺  
獨立何離襪銜魚古查

上

上平田

朝耕上平田暮耕上平田  
借問津者寧知沮溺

賢

萍池

春池深且廣會待輕舟迴靡々綠萍合垂楊埽復  
開

答裴迪輞口遇雨憶終南山之作

外 淼々寒渌廣蒼々秋雨晦君問終南山心知白雲

送別

山中相送罷日暮掩柴扉春艸年々綠王孫歸不

歸

臨高臺送黎拾遺

相送臨高臺川原杳何極  
日暮飛鳥還行人去不  
息

崔九弟欲往南山馬上口號與別

城隅一分手幾日還相見  
山中有桂花莫待花如

霰

左掖梨花

閑灑堦邊草，輕隨箔外風。  
黃鸝弄不足，銜入未央

宮

雜詩

家住孟津河，門對孟津口。  
常有江南船，寄書家中

否

君自故鄉來，應知故鄉事。  
來日綺窗前，寒梅著花

未

相思

紅豆生南國  
秋來發幾枝  
願君多采擷  
此物竈相  
思

哭孟浩然

故人不可見  
漢水日東流  
借問襄陽老  
江山空蔡  
州

少年行

新豐美酒斗十千  
咸陽遊俠多少年  
相逢意氣為君飲  
繫馬高樓垂柝邊

一身能擘兩雕弧  
虜騎千重只似無  
偏坐金鞍調白羽  
紛：射教五單于

漢家君臣歡宴終  
高議雲臺論戰功  
天子臨軒賜侯印  
將軍佩出明光宮

九月九日憶山東兄弟

獨在異鄉為異客  
每逢佳節倍思親  
遙知兄弟登  
高處  
遍插茱萸少一人

送元二使安西

渭城朝雨裊輕塵  
客舍青青柳色新  
勸君更盡一  
杯酒  
西出陽關無故人

送韋評事

欲逐將軍取右賢  
沙場走馬向居延  
遙知漢使蕭關外  
愁見孤城落日邊

送沈子歸江東

楊柳渡頭行客稀  
罟師盪槳向臨圻  
唯有相思似春色  
江南江北送君歸

寒食記上作

廣武城邊逢暮春  
汶陽歸客淚沾巾  
落花寂寂啼



山鳥揚旂青，渡水人

涼州賽神

涼州城外少行人，百尺峰頭望虜塵。  
健兒擊鼓吹羌笛，共賽城東越騎神。

寄段十六

與君相見即相親，聞道君家住孟津。  
為見行舟談借問，客中時有洛陽人。



王縉

同王昌齡裴迪遊青龍寺墨壁上人兄院

集和兄維

林中空寂舍階下終南山高卧一牀地迴看六合  
間浮雲幾處滅飛鳥何村還問義天人接無心世  
界閑誰知大隱者兄弟自追攀

別朝川別業

山月曉仍在林風涼不歇殷勤如有情惆悵令人  
別

裴迪

遊感化寺曇興上人山院

不遠灞陵邊安居向十年  
入門穿竹徑留客聽山  
泉鳥轉深林裏心閑  
落照前浮名竟何益  
從此願棲禪

輞川集

孟城坳

結廬古城下時登古城上古城非疇昔今人自來  
往

華子岡

落日松風起還家草露晞雲光侵履跡山翠拂人  
衣

斤竹嶺

明淥紆且直綠篠密復深一逕通山路行歌望舊

岑

鹿柴

日夕見寒山便為獨往客  
不知深林事但有麝麇  
跡

木蘭柴

已  
蒼、落日時鳥散亂谿水緣谿路轉深幽興何時

茱萸汗

飄香亂拊桂布葉間檀欒雲日雖迴照森沈猶自  
寒

宮槐陌

門前宮槐陌是向歆湖道秋來山雨多落葉無人  
掃

南垞



漫  
孤舟信一泊南垞湖水岸落日下崦嵫清波殊淼

金屑泉

汲  
縈渚澹不流金碧如可拾迎晨會素華獨往事朝

白石灘

跋石復臨水弄波情未極日下川上寒浮雲澹無

色

辛夷塢

亂  
綠堤春草合  
王孫自留翫  
况有辛夷花  
色與芙蓉

輞口遇雨憶終南山因獻王維

積雨晦空曲  
平沙滅浮彩  
輞水去悠悠  
南山復何

在

崔九欲往南山馬工口號與別

歸山溪淺去須盡  
五壑羨莫學武陵人  
暫遊桃源

裏



崔興宗

同王右丞送瑗公南歸

行苦神亦秀  
冷然溪上松  
銅瓶與竹杖  
來自祝融  
峯常願入靈  
嶽藏經訪遺  
蹤南歸見長  
老且為說

心骨

留別王維

駐馬欲分襟  
清寒御溝上  
前山景氣佳  
獨往還惆



丘爲

尋西山隱者不遇

絕頂一茅茨直下三十里  
扣關無僮僕窺室唯案  
几若非巾柴車應是釣  
秋水羨池不相見甞倪空  
仰止艸色新雨中松叡晚  
牕裏及茲契幽絕自足  
蕩心耳雖無賓主意頗得  
清淨理興盡方下山何  
必待之子

題農舍

東風何時至已綠湖上山湖上春既早田家日不  
閑溝塍流水處耒耜平蕪間薄暮飯牛罷歸來還  
閑閑

別留王維


蹄鞍白雲外繚繞出前山今日又明日自知心不  
閑親勞簪組送故趁鷺花還一步一回首遲：向



近關

左掖梨花

飛  
冷艷全欺雪  
餘香乍入衣  
春風且莫定  
吹向玉階



孟浩然

登江中孤嶼贈白雲先生王迥

悠々清江水，落沙嶼出迴潭石。  
下深綠篠岵傍，密鮫人潛不見。  
漁父歌自逸，憶與君別時。  
泛舟如昨日，夕陽開返照。  
中生嶼非一，南望鹿門山。  
歸來恨如失。

秋登蘭山寄張五

北山白雲裏隱者自怡悅相望試登高心隨飛雁  
滅愁因薄暮起興是清秋發時見歸村人沙行渡  
頭歌天邊樹若薺江畔洲如月何當載酒來共醉  
重陽節

湖中旅泊寄閩九司戶防

桂水通百越扁舟期晚發荆雲蔽三巴夕望不見  
家襄王夢行雨才子謫長沙長沙饒瘴癘胡為苦

留滯久別思歎顏承歡懷接袂接袂香無由徒增  
旅泊愁清猿不可聽沿月下湘源

宿揚子津寄長山劉隱士

所思在建業欲往大江深日夕望京口烟波愁我  
心馳茅山洞目極楓樹林不見少微隱星霜勞  
夜吟

夏日南亭懷辛大

山光忽西落池月漸東上  
散髮藥夕涼開軒卧閑  
敞荷風送香氣竹露滴清響  
欲取鳴琴彈恨無知音  
賞感此懷古人中宵勞夢想

尋香山湛上人

朝遊訪名山，遠在空翠氛。  
盪旦百里日入行始  
至杖策尋故人解鞍暫停騎  
石門殊豁險篁筵轉  
深遂法侶欣相逢清談曉不寐  
平生慕真隱累日

求靈異野老朝入田山僧暮歸寺松泉多逸響苔  
壁饒古意谷口聞鐘散林端識香氣願言投此山  
身世兩相棄

宿天台桐柏觀

海行信風帆夕宿逗重巖緬尋滄洲趣近愛赤城  
好捫蘿亦踐苔輟棹恣探討息陰憩桐柏采秀弄  
芝草鶴唳清露垂雞鳴信潮早願言解纓紱從此

無煩惱高步凌四明  
玄蹤得三老紛吾遠遊意  
學彼長生道日夕望三山  
雲濤空浩漭

峴潭作

石潭傍隈隩沙岸晚黃緣  
試垂竹竿釣果得撈頭  
鱖美人騁金箔織手膾紅鮮  
因謝陸內史尊羹何足傳

題終南翠微寺空上人房



翠微終南裏雨後宜返照閉關久沈冥杖策一登  
眺遂造幽人室始知靜者妙儒道雖異門雲林頗  
同調兩心喜相得畢景共譚笑暝還高牕眠時見  
遠山燒緇裊赤城標更憶臨海嶠風泉有清音何  
必蘇門嘯

宿業師山房待丁大不至

夕陽度西嶺群壑倏已暝松月生夜涼風泉滿清

聽樵人歸欲盡烟鳥棲初定  
之子期宿來孤琴候  
蘿逕

耶谿泛舟

落景餘清輝輕橈弄谿渚  
澄明愛水物臨泛何容  
與白首垂釣翁新妝浣  
紗女相看似相識  
脉、不  
得與

彭蠡湖中望廬山

太虛生月暈丹子知天風挂席候明發眇漫平湖  
中：涿見匡阜勢罄九江雄黠黠容霽色崢嶸當  
晚空香爐初上日瀑布噴成虹久欲追尚子况茲  
懷遠公我來限于役未暇息微躬淮海途將半星  
霜歲欲窮寄言巖栖者畢趨當來同

登鹿門山

清曉因興來乘流越江峴沙禽近方識浦樹遙莫

辨漸至鹿門山、明翠微淺巖潭多屈曲并檝屢  
迴轉皆聞龐德公采藥遂不返金澗餌芝朮石牀  
卧苔蘚紛吾感耆舊結纜事攀踐隱迹今尚存高  
風邈已遠白雲何時去丹桂空偃蹇探討意未窮  
迴艫夕陽晚

遊明禪師西山蘭若

西山多奇狀秀出倚前楹亭午收彩翠夕陽照分

明吾師住其下禪坐證無生結廬就嵌窟翦苔通  
徑行談空對樵叟授法與山精日暮方辭去田園  
歸冶城

疾愈過龍泉寺精舍呈易業二公

亭午聞山鐘起行散愁疾尋林采芝去谷轉松蘿  
密傍見精舍開長廊飭僧畢石渠流雪水金子耀  
霜橋竹房思舊遊過憩終永日入洞窺石髓傍崖

采蜂蜜日暮  
辭遠公虎谿  
相送出

萬山潭作

垂釣坐磐石  
水清心亦閑  
魚行潭鉢下  
猿挂島藤間  
游女昔解珮  
傳聞於此山  
求之不可得  
沿月棹歌還

早發漁浦潭

東旭早光芒  
渚禽已驚聒  
卧聞漁浦口  
橈聲暗相

撥日出氣象分始知江路濶美人常晏起照影弄  
涿沫飲水畏驚猿祭奠時見獺舟行自無悶况值  
清景豁

歲暮海上作

仲尼既云歿余亦浮于海昏見斗柄迴方知歲星  
改虛舟任所適垂釣非有待為問藥槎人滄洲復  
何在

聽鄭五彈琴

阮籍推名飲清風滿竹林半酣下衫袖拂拭龍唇  
琴一杯彈一曲不覺夕陽沈予意在山水聞之諧  
夙心

夜歸鹿門歌

山寺鳴鐘晝已昏漁陽渡頭爭渡喧人隨沙路向  
江村余亦乘舟歸鹿門鹿門月照開烟樹忽到龐



公棲隱處巖扉松徑長  
寂寥惟有幽人夜來去

和張二自穰縣還途中遇雪

風吹沙海雪漸作柳園春  
宛轉隨香騎輕盈伴玉  
人歌疑郢中客態比洛川神  
今日南歸楚雙飛似  
入秦

望洞庭湖贈張丞相

八月湖水平涵虛混太清  
氣蒸雲夢澤波撼岳陽

城欲濟無舟楫端居恥聖明坐觀垂釣者徒有羨  
魚情

宿永嘉江寄山陰崔少府國輔

我行窮水國君使入京華相去日千里孤帆天一  
涯卧聞海潮至起視江月斜借問同舟客何時到

永嘉

夜泊廬江聞故人在東寺以詩寄之

江路經廬阜松門入虎谿聞君尋寂樂清夜宿招  
提石鏡山精怯禪枝怖鷓樓一燈如悟道為照客  
心迷

宿桐廬江寄廣陵蘧遊

山暝聽猿愁滄江急夜涼風鳴兩岸葉月照一孤  
舟建德非吾土維揚憶舊遊還將兩行淚遥寄海

西頭

澗南卽事貽皎上人

弊廬在部外素產惟田園左右林野曠不聞朝市  
喧釣竿垂北澗樵唱入南軒書取幽棲事將尋靜  
者論

九日懷襄陽

去國似如昨倏然經杪秋峴山望不見風景令人  
愁誰采籬下菊瘵閑池上樓宜城多美酒歸與葛

彊遊

初出關旅亭夜坐懷王大校書

向夕槐烟起  
蔥龍池館曛  
客中無偶坐  
關外惜離羣  
燭至螢光滅  
荷枯雨滴聞  
永懷芸閣友  
寂寞滯揚雲

早寒江上有懷

木落雁南渡  
北風江上寒  
我家襄水曲  
遙隔楚雲

端鄉淚客中盡孤帆天際看迷津欲有問平海夕  
漫

留別王侍御維

寂、竟何待朝、空自歸欲尋芳艸去惜與故人  
違當路誰相假知音世所稀祇應守宋莫還掩故  
園扉

廣陵別薛八

士有不得志栖、吳楚間廣陵相遇罷彭蠡泛舟  
還橋出江中樹波連海上山風帆明日遠何處更  
追攀

與諸子登峴山作

人事有代謝往來成古今江山留勝跡我輩復登  
臨水落魚梁淺天寒夢澤深羊公碑尚在讀罷淚

沾襟

尋天台山

吾友太乙子餐霞卧赤城欲尋華頂去不憚惡溪  
名歇馬憑雲宿揚帆截海行高、翠微裏遙見石  
梁橫

晚泊潯陽望廬山

挂席幾千里名山都未逢泊舟潯陽郭始見香爐  
峯嘗讀遠公傳遠懷塵外蹤東林精舍近日暮坐



聞鍾

武陵泛舟

武陵川路狹前棹入花林  
莫測幽源裏仙家信幾  
深水迴青嶂合雲度縵  
谿陰坐聽閑猿嘯彌清塵  
外心

夏日浮舟過陳大水亭

水亭涼氣多閑棹晚來過  
澗影見松竹潭香聞芰

荷野童扶醉舞  
山鳥助酣歌  
幽賞未云徧  
煙光柰夕何

遊精思觀迴  
王白雲在後

出谷未亭午  
至家日已曛  
迴瞻下山路  
但見牛羊  
羣  
樵子暗相失  
草蟲寒不聞  
衡門猶未掩  
佇立望夫君

題大禹寺義公房

義公習禪處結構依空林戶外一峰秀堦前犀壑  
深夕陽連雨足空翠落庭陰看取蓮花淨應知不  
染心

裴司士員司戶見尋

府僚能枉駕家醞復新開落日池上酌清風松下  
來厨人具雞黍稚子摘楊梅誰道山公醉猶能騎

馬回

李氏園卧疾

我愛陶家趣園林無俗情  
春雷百卉坼寒食四鄰  
清伏枕嗟公幹歸山羨子平年  
白社客空滯洛陽城

歲暮歸南山

北闕休工書南山歸敝廬  
不才明主棄多病故人  
踈白髮催年老青陽逼歲除  
永懷愁不寐松月夜

窻虛

舟中曉望

挂席東南望青山水國遙  
舳艫爭利涉來往接風  
潮問我今何適天台訪石橋  
坐看霞色晚疑是赤  
城標

夜泊牛渚趨薛八船不及

星羅牛渚夕風退鷁舟遲  
浦溆嘗同宿煙波忽聞

之榜歌空裏失船火望中疑明發泛湖海茫，何  
處期

夜渡湘水

客舟貪利涉闇裏渡湘川露氣聞芳杜歌聲識采  
蓮樹人投岸火漁子宿潭煙行侶時相問潯陽何  
處邊

永嘉上浦館逢張八子容

逆旅相逢處江村日暮時  
衆山遙對酒孤嶼共題  
詩解字鄰蛟室人烟接  
島夷鄉國萬餘里失路一  
相悲

宿武陽即事

川暗夕陽盡孤舟泊岸初  
巖猿相叫嘯潭影似空  
虛就枕滅明燭扣舷聞夜  
漁雞鳴問何處人物是  
秦餘

渡揚子江

桂檝中流望京江兩岸明林開揚子驛山出潤州  
城海盡邊陰靜江寒朔吹生更聞楓葉下淅瀝度  
秋聲

春怨

佳人能畫眉妝罷出簾帷照水空自愛折花將遺  
誰春情多豔逸春意倍相思愁心極楊柳一種亂



如絲

陪張丞相自松滋江東泊渚宮

放溜下松滋登舟命檝師詎忘經濟日不憚  
江寒時岸幘豈獨古濯纓良在茲政成人自理  
機息鳥無疑雲物凝孤嶼江山辨四維晚來  
風稍緊冬至日行遲獵響驚雲夢漁歌激楚  
辭渚宮何處是川暝欲安之

西山尋辛諤

漾舟尋水便因訪故人居  
落日清川裏誰言獨羨  
魚石潭窺洞徹沙岸歷  
紆徐竹嶼見垂釣荈壺聞  
讀書歎言忘景夕清興  
屬涼初回也一瓢飲賢哉  
常晏如

夜泊宣城界

西塞沿江島南陵問驛  
摸湖平津濟闊風心客帆

收去、懷前事茫茫、泛夕流石逢羅剎礙山泊敬  
亭幽火識梅根冶煙迷楊葉洲離家復水宿相伴  
賴沙鷗

送朱大入秦

遊人武陵去寶劍直千金分手脫相贈平生一片  
心

過融上人蘭若

山頭禪室挂僧衣  
窗外無人溪鳥飛  
黃昏半在下  
山路却聽松風戀翠微

送杜十四之江南

荆吳相接水為鄉  
君去春江正淼茫  
日暮征帆何處泊  
天涯一望斷人腸

渡浙江問舟中人

潮落江平未有風  
扁舟共濟與君同  
時、引領望

天末何處青山是越中